

ხელშეკრულება სახელმწიფო შესყიდვის შესახებ N2409/02

გამარტივებული შესყიდვა
„სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ბ“ ქვეპუნქტის შესაბამისად-
გადაუდებელი აუცილებლობა
SMP190003710
CPV-15500000

თბილისი

24 სექტემბერი 2019 წელი

„შემსყიდველი“ - შპს „სახელმწიფო კვებითი უზრუნველყოფა“, წარმოდგენილი მისი დირექტორის ალექსი ზანდარაშვილის სახით;

მისამართი: იურიდიული: ქ. თბილისი, ჭანტურიას ქ. #12, ფაქტიური: ქ. თბილისი, თემქა მე-9კვ;

საიდენტიფიკაციო კოდი: 404482537;

ტელეფონი: 2 200 122;

საბანკო რეკვიზიტები: სს „თი ბი სი ბანკი“, ბანკის კოდი - TBCBGE22, ა/ა GE58TB 7353 4360 8010 0004.

„მიმწოდებელი“ - შპს „რესპუბლიკა“ წარმოდგენილი მისი დირექტორის ბესიკი ხიხლაშვილის სახით;

მისამართი: ქ.თბილისი. სამგორის რაიონი, ლილოს დასახლება, II მიკრო/რაიონი, კორპუსი 4, ბინა 118;

საიდენტიფიკაციო კოდი: 406205592;

ტელეფონი: 595 33 35 22;

საბანკო რეკვიზიტები: სს „საქართველოს ბანკი“ ბანკის კოდი - BAGAGE22, ა/ა GE62BG 0000 0001 0055 6005.

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს დანართი №1-ში აღნიშნული არაყანის, ხაჭოს და მაწონის შესყიდვა, განსაზღვრული მახასიათებლების და პირობების შესაბამისად.

1.2. „მიმწოდებელი“ ვალდებულია „შემსყიდველს“ მიაწოდოს საქონელი ამ ხელშეკრულების დანართი N1-ში აღნიშნულ მისამართ(ებ)ზე განთავსებულ ობიექტ(ებ)ზე, მიღებული შეკვეთებიდან გამომდინარე. ობიექტების ცვლილებების შემთხვევაში (გაზრდა ან შემცირება) „მიმწოდებელს“ ეცნობება სულ მცირე 5 (ხუთი) სამუშაო დღით ადრე.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 214 600 (ორას თოთხმეტი ათას ექვსასი) ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს, მოსაკრებელსა და სახდელს.

2.2. ერთეულის ფასები მოცემულია წინამდებარე ხელშეკრულების დანართ N1-ში.

3. შესყიდვის ობიექტის სტანდარტი

3.1. „მიმწოდებელი“-ს მიერ „შემსყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა [და წინამდებარე ხელშეკრულებით განსაზღვრულ პირობებს]

3.2. „მიმწოდებელმა“ „შემსყიდველს“ უნდა გადასცეს საქონლის ხარისხის დამადასტურებელი დოკუმენტაცია მოთხოვნიდან არაუგვიანეს 5 (ხუთი) კალენდარულ დღეში (ასეთის მოთხოვნის შემთხვევაში).

4. მხარეთა უფლებამოსილებები და ვალდებულებები

4.1. წინამდებარე ხელშეკრულებით, „მიმწოდებელი“ ვალდებულია საქონელი „შემსყიდველს“ მიაწოდოს ხელშეკრულებით განსაზღვრული წესით, „შემსყიდველისათვის“ საჭირო რაოდენობით, ხოლო „შემსყიდველი“ ვალდებულია მიიღოს წინასწარ შეკვეთილი საქონელი და მოახდინოს „მიმწოდებელთან“ ანგარიშსწორება ხელშეკრულებით გათვალისწინებული პირობებით.

4.2. „მიმწოდებელი“ ვალდებულია მიაწოდოს საქართველოში არსებული მოთხოვნების შესაბამისად მარკირებული საქონელი.

4.3. ხარისხის დადგენილ სტანდარტებთან შესაბამისობის განსაზღვრის მიზნით, შემსყიდველი ორგანიზაცია უფლებამოსილია, 2019 წლის 23 ოქტომბრამდე არაუმეტეს ერთხელ განახორციელოს საქონლის ნიმუშის აღება და სსიპ „ლეკან სამხარაულის სახელობის სასამართლო ექსპერტიზის ეროვნული ბიუროში“ ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული მაჩვენებლებით უნდა დგინდებოდეს ხელშეკრულების ტექნიკური სპეციფიკაციით მოთხოვნილი მაჩვენებლები და პროდუქცია უნდა აკმაყოფილებდეს საქართველოში მოქმედი შესაბამისი სტანდარტებით განსაზღვრულ ხარისხის და უსაფრთხოების მაჩვენებლებს.

4.4. „შემსყიდველი“ ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.

4.5. „შემსყიდველი“ ვალდებულია „მიმწოდებელს“ აუნაზღაუროს მიწოდებული საქონლის ღირებულება ამ ხელშეკრულების მე-8 მუხლის შესაბამისად.

4.6. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

4.7. მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის განმავლობაში წარმოადგინოს ხელშეკრულების უზრუნველყოფის საბანკო გარანტია. ხელშეკრულების უზრუნველყოფის საბანკო გარანტიის მოქმედების ვადა არანაკლებ 30 დღით უნდა აღემატებოდეს ხელშეკრულების მოქმედების ვადას. გარანტია შესაძლებელია გაცემული იქნას, როგორც საქართველოს ეროვნული ბანკის მიერ ლიცენზირებული მოქმედი საბანკო დაწესებულებ(ებ)იდან, ასევე, სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანი(ებ)იდან.

5. საქონლის მახასიათებლები (ასორტიმენტი, რაოდენობა და ხარისხი)

5.1. „მიმწოდებელი“ „შემსყიდველისათვის“ საქონლის მიწოდებას უზრუნველყოფს შემსყიდველისათვის საჭირო ოდენობით. საქონლის მწარმოებლის, ბრენდის ან/და მარკის ცვლილების შემთხვევაში „მიმწოდებელი“ ვალდებულია წინასწარ საქონლის მიწოდებამდე „შემსყიდველს“ აცნობოს აღნიშნული ცვლილების თაობაზე წერილობით.

5.2. „მიმწოდებელი“ ვალდებულია მიწოდების დოკუმენტებში (ზედნაწილები) მიუთითოს მიწოდებული საქონლის დასახელება და ფასები.

5.3. „მიმწოდებლის“ მიერ საქონლის ფაქტობრივი მიწოდებისას ვარგისიანობის დარჩენილი ვადა დარეგულირდეს დანართი N1-ის მიხედვით.

5.4. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „მიმწოდებლის“ მიერ შემოთავაზებულ პირობებს.

5.5. „მიმწოდებელი“ იძლევა გარანტიას, რომ საქონელი შეესაბამება უსაფრთხოების, სანიტარული ნორმების, შეფუთვის, მარკირების და ეტიკეტირების მოთხოვნებს, დადგენილ საქართველოს კანონმდებლობით და ასევე, რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი.

5.6. დაუშვებელია მოსაწოდებელი პროდუქციის შეფუთვა მეორად ან/და განსხვავებული ბრენდის მქონე ტარაში.

6. შესყიდვის ობიექტის მიწოდება და შესაბამისი დოკუმენტები

6.1. „მიმწოდებელი“ ვალდებულია შეკვეთა შეასრულოს შეკვეთის მიღებიდან დანართი N1-ში მითითებული მიწოდების ვადის ამოწურვამდე.

- 6.2. „მიწოდებელი“ აცხადებს თანხმობას, რომ „შემსყიდველმა“, შეიძლება არ შეიძინოს „მიწოდებელის“ მიერ შეთავაზებული საქონლის სრული რაოდენობა/დასახელება რაც მითითებულია ხელშეკრულების დანართ N1-ში.
- 6.3. საქონლის მიწოდება უნდა განხორციელდეს დღის განმავლობაში არაუგვიანეს 18.00 სთ-ისა. 18.00 სთ-ის შემდეგ „შემსყიდველი“ უფლებამოსილია უარი თქვას საქონლის მიღებაზე და დააკისროს „მიწოდებელს“ საურავი საქონლის მიწოდების ვადის დარღვევის გამო.
- 6.4. „შემსყიდველი“ უფლებამოსილია „მიწოდებელის“ მიერ შეკვეთის შესრულებამდე მოახდინოს შეკვეთის კორექტირება (მისაწოდებელი საქონლის ოდენობის, ასორტიმენტის დამატება ან გამოკლება, ასევე შეკვეთის გაუქმება). შეკვეთის კორექტირების შემთხვევაშიც მიწოდება უნდა განხორციელდეს ხელშეკრულების 6.1. პუნქტის შესაბამისად.
- 6.5. პროდუქტის მიწოდებისას სასაქონლო ზედნადები (შემდგომში ზედნადები) ან/და ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 6.6. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „შემსყიდველი“ ატყობინებს აღნიშნულის შესახებ „მიწოდებელს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 6.7. საქონლის ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.
- 6.8. საქონლის ტრანსპორტირებისათვის განკუთვნილი სატრანსპორტო საშუალებები უნდა იმყოფებოდნენ ტექნიკურად გამართულ, სუფთა მდგომარეობაში, უნდა პასუხობდნენ ჰიგიენურ ნორმებს და იყვნენ ვარგისი განსაზღვრული კატეგორიის საქონლის ტრანსპორტირებისთვის.
- 6.9. „შემსყიდველის“ წარმომადგენელი ვალდებულია უზრუნველყოს საქონლის გადმოტვირთვა ამისათვის სპეციალურად განსაზღვრულ ადგილას და დროს.
- 6.10. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა „მიწოდებელის“ მიერ შეკვეთის მიღების დადასტურების საშუალებას.

7. საქონლის მიღება-ჩაბარების წესი

- 7.1. „შემსყიდველის“ წარმომადგენელი „მიწოდებელის“ წარმომადგენლის თანდასწრებით უზრუნველყოფს საქონლის დათვალიერებას და გადმოტვირთვას „შემსყიდველი“-ს საწყობში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, მზის სინათლისაგან დაცვა) წარმოადგენს „შემსყიდველის“ ვალდებულებებს და უნდა შეესაბამებოდეს საქონლის შენახვისათვის დადგენილ პირობებს.
- 7.2. საქონლის მიღებისას, „შემსყიდველი“ შეამოწმებს საქონლის შესაბამისობას წარდგენილ დოკუმენტებთან და ხელშეკრულებასთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „შემსყიდველის“ წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „შემსყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა შორის შეთანხმებულ პირობებს, შეფუთვა, ეტიკეტირება, ხარისხი და ვარგისიანობის ვადა არ შეესაბამება დადგენილ სტანდარტებსა და „მიწოდებელის“ მიერ შემოთავაზებულ პირობებს.
- 7.3. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:
- 7.3.1. იგი უხარისხოა (მათ შორის არ შეესაბამება ხელშეკრულებით გათვალისწინებულ ხარისხსა და არ აკმაყოფილებს ხელშეკრულების დანართი N1-ით გათვალისწინებული საქონლის ტექნიკური სპეციფიკაციის მოთხოვნებს); ან/და
- 7.3.2. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და
- 7.3.3. ხარვეზების გამოსწორება შეუძლებელია; ან/და
- 7.3.4. მიწოდებულია მიწოდების ვადის გასვლის შემდგომ; ან/და
- 7.3.5. კანონმდებლობით გათვალისწინებულ სხვა შემთხვევებში.
- 7.4. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიწოდებელს და რისკები მისი შემთხვევით (მთლიანად ან ნაწილობრივ) გაფუჭებაზე ან სხვა ზიანზე ეკისრება მიწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.
- 7.5. შემსყიდველის მიერ საქონლის (მისი ნაწილის) მიღების და/ან შემოწმების შედეგად წინამდებარე ხელშეკრულების 11.1.2. პუნქტის გათვალისწინებით გამოვლენილი ნაკლის აღმოფხვრას საკუთარი ხარჯებით უზრუნველყოფს მიწოდებელი შეტყობინების (ელექტრონული ფოსტის, სატელეფონო შეტყობინების ან წერილობითი შეტყობინების საფუძველზე) მიღებიდან 1 (ერთი) კალენდარულ დღეში, წინააღმდეგ შემთხვევაში მიწოდებლის მიმართ გამოყენებული იქნება წინამდებარე ხელშეკრულების მე-10 მუხლით გათვალისწინებული პირგასამტეხლო.

7.6. „შემსყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „შემსყიდველის“ უფლებამოსილი თანამშრომელი (მენეჯერი, საწყობის უფროსი, ხარისხის მართვისა და მონიტორინგის დეპარტამენტის თანამშრომელი, ფინანსური აღრიცხვისა და სახელმწიფო შესყიდვების დეპარტამენტის თანამშრომელი და სხვა).

7.7. „მიწოდებელის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მიწოდებელის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

8. ანგარიშსწორება

8.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით მიმწოდებლის მიერ ფაქტიურად მიწოდებული საქონლის შესაბამისად, ეროვნულ ვალუტაში (ლარში).

8.2. ანგარიშსწორება მოხდება შემდეგი წესით: ყოველი თვის 15 (თხუთმეტი) და 30 (ოცდაათი) რიცხვებში (თებერვალის თვეში - 15 და 28) „შემსყიდველი“ „მიმწოდებელს“ გადაუხდის წინა (ბუღალტრული ურთიერთშედარებიდან შემდგომ ურთიერთშედარებამდე) პერიოდში მიწოდებული საქონლის ღირებულებას სრულად, აღნიშნულ თარიღებამდე 5 (ხუთი) დღით ადრე მხარეთა შორის ურთიერთშედარების აქტის გაფორმების შემთხვევაში და მოცემულ აქტში მითითებული დავალიანების შესაბამისად.

8.3. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „შემსყიდველის“ და „მიმწოდებელის“ ან მათი წარმომადგენლების მიერ ხელმოწერილი სასაქონლო ზედნაღები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.

9. ხელშეკრულების შესრულების კონტროლი

9.1. ხელშეკრულების შესრულების კონტროლს განახორციელებს:

9.1.1. შპს „სახელმწიფო კვებითი უზრუნველყოფა“-ს ხარისხის მართვისა და მონიტორინგის დეპარტამენტის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი – „მიმწოდებლის“ მიერ მიწოდებული საქონლის სახეობის, ასორტიმენტის, შეფუთვის, ეტიკეტირების, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან.

9.1.2. შპს „სახელმწიფო კვებითი უზრუნველყოფა“-ს - უფლებამოსილი თანამშრომელი - შეკვეთის მიცემისა და შესრულების ვადების, ასევე ხელშეკრულების სხვა პირობების კონტროლი.

9.1.3. შპს „სახელმწიფო კვებითი უზრუნველყოფა“-ს - ფინანსური აღრიცხვისა და სახელმწიფო შესყიდვების დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან.

9.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „შემსყიდველის“ არჩევანის მიხედვით.

10. მხარეთა პასუხისმგებლობა

10.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

10.1.1. საქონლის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე, ხელშეკრულების დანართი N1-ით გათვალისწინებული საქონლის

ტექნიკური სპეციფიკაციის დარღვევით, ასევე, ლაბორატორიული კვლევის დაგვიანებით წარმოდგენაზე) მიუწოდებელი შესყიდვის ობიექტის ღირებულების 0.2% ყოველ ვადაგადაცილებულ დღეზე, იმ შემთხვევაში თუ აღნიშნული საურავის ოდენობა ნაკლებია 200 ლარზე, შემსყიდველი დააკისრებს მიმწოდებელს 200 ლარს ყოველ ვადაგადაცილებულ დღეზე.

10.1.2. თუ „შემსყიდველი“ საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის სახეობა, ასორტიმენტი, გრამაჟი, შეფუთვა (მ.შ განსხვავებული ბრენდირების ტარის გამოყენება), ეტიკეტირება, ორგანოლეპტიკური თვისებები, ტრანსპორტირების პირობები ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს, წინამდებარე ხელშეკრულების 7.5 პუნქტის გათვალისწინებით „შემსყიდველი“ უფლებამოსილია „შემსყიდველის“ ხარისხის მართვისა და მონიტორინგის დეპარტამენტის დასკვნის, ასევე უშუალოდ საქონლის მიმღები პირის წერილობითი მოხსენების საფუძველზე, დოკუმენტის შედგენიდან არაუგვიანეს 7 (შვიდი) სამუშაო დღისა „მიმწოდებელს“ წარუდგინოს რეკლამაცია (პრეტენზია) წერილობითი ფორმით ან/და ელ-ფოსტის მეშვეობით და დააკისროს საურავი 2000 (ორი ათასი) ლარის ოდენობით.

10.2. „შემსყიდველი“ უფლებამოსილია „მიმწოდებელისათვის“ საურავის დარიცხვის შემთხვევაში, ანგარიშსწორებისას, „მიმწოდებელს“ გამოუქვითოს საურავის ოდენობა, რაც ჩაითვლება „მიმწოდებელის“ მიერ დაკისრებული პირგასამტეხლოს გადახდად.

10.3. იმ შემთხვევაში, თუ „მიმწოდებლის“ მიერ ამ ხელშეკრულებით მოწოდებული საქონელი აღმოჩნდება უხარისხო ან/და დადგენილ ნორმაზე ნაკლები და რის გამოც „შემსყიდველს“ კვებითი მომსახურების შემსყიდველმა მხარემ დააკისრა პირგასამტეხლო, „შემსყიდველი“ უფლებამოსილია რეგრესის წესით მოითხოვოს „მიმწოდებელისაგან“ ზიანის ანაზღაურება, დაკისრებული პირგასამტეხლოს ოდენობით ხელშეკრულების ვადის გასვლის შემდეგაც.

10.4. მიმწოდებლის მიერ ხელშეკრულების პირობების არაჯეროვნად შესრულებისათვის ან ხელშეკრულების პირობების შეუსრულებლობისათვის, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით, რისთვისაც შემსყიდველი უფლებამოსილია გამოიყენოს საბანკო გარანტია (ასეთის არსებობის შემთხვევაში) ან/და თუ ხელშეკრულებაში არ გამოიყენება ხელშეკრულების შესრულების უზრუნველყოფის საბანკო გარანტია, პირგასამტეხლო გამოქვითოს მიმწოდებლის მიერ მიწოდებული საქონლისთვის ასანაზღაურებელი ღირებულებიდან.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ ობიექტურ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

11.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების მისადაგებაზე არსებულ გარემოებებთან, ასევე შესრულების ვადის გაგრძელების შესახებ, ეს გადაწყვეტილება უნდა გაფორმდეს წერილობითი ფორმით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

11.3. აღნიშნული ხელშეკრულებისათვის საქართველოს სამოქალაქო კოდექსის 398-ე მუხლით გათვალისწინებული გარემოებები გამორიცხავს ხელშეკრულების პირობების მისადაგებას ეროვნული ვალუტის გაუფასურებას / ვალუტის კურსის მნიშვნელოვნად ზრდას, ასეთ დროს ეროვნული ვალუტის კურსის გაუფასურებით გამოწვეული რისკი ეკისრება დაზარალებულ მხარეს, შესაბამისად აღნიშნული მიზეზით / საფუძველით ხელშეკრულების პირობების შეცვლის და ახალ გარემოებებთან მისადაგების მოთხოვნა დაუშვებელია მხარეთათვის.

12. ფორს-მაჟორი

12.1. ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.

12.2. მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.

12.3. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

12.4. წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.

12.5 თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

13. ხელშეკრულების შეწყვეტა

13.1. ეს ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

გ) „შემსყიდველმა“ შეწყვიტა, ან შეაჩერა თავისი საქმიანობა;

დ) მიმდინარეობს „შემსყიდველის“ ან „მიმწოდებლის“ გადახდისუნარიობის საქმის წარმოება;

ე) „შემსყიდველმა“ ანგარიშსწორების განხორციელების ვადას გადააცილა 30 (ოცდაათი) სამუშაო დღეზე მეტი ვადით;

ვ) „მიმწოდებელმა“ არაერთგზის (2-ჯერ ან მეტჯერ) დაარღვია ხელშეკრულების პირობები.

13.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

ა) იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა და კანონის შესაბამისად უნდა შესრულდეს ხელშეკრულების შეწყვეტიდან გამომდინარე ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

ბ) ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

13.3. ხელშეკრულების შეწყვეტის ინიციატორი მხარე ვალდებულია 5 (ხუთი) კალენდარული დღით ადრე წერილობით აცნობოს მხარეს ხელშეკრულების შეწყვეტის თაობაზე, მოთხოვნა უნდა მოიცავდეს სრულ ინფორმაციას ხელშეკრულების შეწყვეტის გამომწვევი მიზეზების შესახებ.

13.4. ხელშეკრულება ვადამდე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ.

13.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

14. სხვა პირობები

14.1. წინამდებარე ხელშეკრულება ძალაში შედის ხელმოწერის მომენტიდან.

14.2. ხელშეკრულება მოქმედებს 2019 წლის 30 ნოემბრის ჩათვლით.

14.3. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.

14.4. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.

14.5. „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

14.6. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

14.7. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.

14.8. ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუნარიობა ან გადახდისუნარიობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი

ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.

14.9. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.

14.10. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

14.11. მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „შემსყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.

14.12. მიმწოდებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.

14.13. მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.

14.14. წინამდებარე ხელშეკრულება მხარეთა მიერ ხელმოწერილია ელექტრონულად.

15. მხარეები:

შემსყიდველი

შპს „სახელმწიფო კვებითი
უზრუნველყოფა“-ს

დირექტორი

ალექსი ზანდარაშვილი

მიმწოდებელი

შპს „რესპუბლიკა“-ს

დირექტორი

ბესიკი ხიხალაშვილი

N	საქონლის დასახელება	ტექნიკური აღწერილობა	წარმოების ქვეყანა / მწარმოებელი	რაოდ.	განზ.	ერთეულის ფასი (ლარი)	ჯამური ღირებულება	მიწოდების ვადა	მიწოდების ადგილი
1	არაჟანი	<p>თითოეული მოწოდებული პარტია დამზადებული უნდა იყოს ძროხის ნორმალიზებული და პასტერიზებული რძისგან. არ უნდა შეიცავდეს მცენარეულ ცხიმს. უნდა იყოს არადამახასიათებელი სუნის და გემოს გარეშე. არაჟანი ცხიმთანობის მიხედვით უნდა იყოს: არანაკლებ 15%. დაფასოებული შემსყიდველის მოთხოვნის შესაბამისად 400 გრამიდან 5 კგ-მდე პლასტმასის ჭურჭელში. მიწოდებული საქონლის დარჩენილი ვარგისიანობის ვადა უნდა იყოს საერთო ვადის არანაკლებ 90%, მაგრამ არანაკლებ 10 დღე.</p>	საქართველო შპს "რესპუბლიკა"	18 000	კგ	6,25	112 500,00	ხელშეკრულების გაფორმებიდან 2019 წლის 23 ოქტომბრის ჩათვლით, კვირაში 2 ჯერ, შეკვეთიდან 1-2 დღეში	<p>ქ. თბილისი (შემოგარეშით), დაბა კოჯორი, დაბა ვაზიანი, დაბა კრწანისი, დაბა ბაზალეთი, ქ. მცხეთა, სოფ. საგურამო, სოფ. ნორიო, სოფ. ალაგეთი, ქ. მარნეულის, საგარეჯოს მუნიციპალიტეტი, ქ. თელავი, ქ. ახალციხე, ქ. გორი (შემოგარეშით), ქარელის მუნიციპალიტეტი, სოფ. ისიაური, ქ. ქობულეთი, ქ. ქუთაისი (შემოგარეშით), ქ. ზაოზი (შემოგარეშით), ქ. სენაკი, ხონის მუნიციპალიტეტი, ბლდათის მუნიციპალიტეტი, ქ. ფოთი, საჩხერის მუნიციპალიტეტი, დედოფლისწყარო, დისციკლი, ორფოლო</p>
2	ხაჭო	<p>თითოეული მოწოდებული პარტია დამზადებული უნდა იყოს ძროხის ნორმალიზებული და პასტერიზებული რძისგან. არ უნდა შეიცავდეს მცენარეულ ცხიმს. უნდა იყოს არადამახასიათებელი სუნის და გემოს გარეშე. ხაჭოს მზა ნაწარმში რძის შემადგენელი კომპონენტების წილი უნდა იყოს 75% -ზე მეტი, რძის ცხიმის შემცველობა 6-9%. დაფასოება შემსყიდველის მოთხოვნის შესაბამისად 400 გრამიდან 5 კგ-მდე, პლასტმასის ჭურჭელში. მიწოდებული საქონლის დარჩენილი ვარგისიანობის ვადა უნდა იყოს საერთო ვადის არანაკლებ 90%, მაგრამ არანაკლებ 10 დღე.</p>	საქართველო შპს "რესპუბლიკა"	5 500	კგ	7,30	40 150,00		
3	მაწონი	<p>თითოეული მოწოდებული პარტია დამზადებული უნდა იყოს ძროხის ნორმალიზებული და პასტერიზებული რძისგან. არ უნდა შეიცავდეს მცენარეულ ცხიმს. უნდა იყოს არადამახასიათებელი სუნის და გემოს გარეშე. მაწონი ცხიმთანობის მიხედვით უნდა იყოს არანაკლებ 3,2%. დაფასოება შემსყიდველის მოთხოვნის შესაბამისად 400 გრამიდან 5 კგ-მდე, პლასტმასის ჭურჭელში. მიწოდებული საქონლის დარჩენილი ვარგისიანობის ვადა უნდა იყოს საერთო ვადის არანაკლებ 90%, მაგრამ არანაკლებ 10 დღე.</p>	საქართველო შპს "რესპუბლიკა"	21 000	კგ	2,95	61 950,00		
სულ ხელშეკრულების ჯამური ღირებულება (დღგ-ს ჩათვლით)							214 600,00		